

戴善夫雜劇

戴善夫雜劇

陶學士醉寫風光好

戴善夫雜劇

[illegible]

陶學士醉寫風光好

第一折

【冲末扮宋齊丘引祇從上】【詩云】獨特忠赤佐君王。保障金陵地一方。江南自古稱佳麗。何必區區說大唐。小官姓宋名齊丘。金陵人氏。見在南唐主人駕下爲丞相之職。俺這後主天生聰睿。詩詞歌賦品竹調絲。風流蘊藉。實乃右文之主。見今中原周世宗升遐。超點檢卽位。國號大宋。改元乾德。親驅戎馬。所向無前。如南閩北虜。河東西蜀。望風皆降。惟我江左不曾加兵。我國亦嘗用心防備。近日前路文書行來。宋家遣翰林院學士陶穀來我國中。索要圖籍文書。我想陶穀是個掉弄喉舌之人。況四海未寧。要圖籍何用。此人必來以游說爲功。我將他機關探破。奏知君主。則說吾主有疾。不能接見。將陶穀留在館驛中羈絆住着。每日供給。小官三五日相訪一遭。自七月初間至此。今八月將盡。秋露乍零。旅館蕭索。我着金陵

太守韓熙載看他一言一動，略有纖毫破綻，便報與我知道，自有制他的法度。【詩云】非是我好用陰謀，則隄防謾舌如鉤。待窺破一些動靜，管教他有國難投。【下】

【外扮韓熙載引樂探上】

【詩云】遠離鄉土渡橫江，入仕南唐佐李王。從來兒女多情處，不是風雲氣不長。小官姓韓名熙載，官拜昇州太守，佐於南唐李主駕下。今奉宋齊丘丞相鈞旨，每日供給大宋學士陶穀，今日安排筵席，管待將歌者秦弱蘭，乃金陵名妓。席間令其唱曲，看陶學士所守之志何如。樂探，你與我喚將上廳行首秦弱蘭來者。【樂探云】理會的。【做喚科】

秦弱蘭安在？太守老爺呼喚哩。【正旦扮秦弱蘭上云】妾身秦弱蘭是也。門首有人相喚，我試看咱。【做見科云】哥哥喚我怎的？【樂探云】太守老爺喚官身哩。【正旦云】我想俺這門戶人家，則管裏迎賓接客，幾時是了也呵。【唱】

【仙呂點絳脣】憑我着霧鬢雲鬟，黛眉星眼，尋衣飯。則向這酒社詩壇，多少家喬公案。

【混江龍】悲歡聚散。二三年經到有百千番。恰東樓飲宴。早西出陽關。兀的般弄月嘲風留客所。便是俺追歡買笑望夫山。這些時迎新送舊。執盞擎盤。怎倒顛欽欽惹的我心兒憚怕。只怕是那羅紕錦舊。鶯老花殘。

【樂探云】大姐。似你這等上官見喜。非同容易也。【正旦云】哥哥。我自幼到今。無個歡喜的前程。造次的可也不敢上門來。【唱】

【油葫蘆】也曾把有魂靈的郎君常放翻。但來的和土剷。可正是烟波名利大家難。【云】上俺門來有個比喻。【唱】恰便似犬逢餓虎。截頭淵。更嶮似軍騎羸馬。連雲棧。饒你便會使慳徹骨姦。則俺這女娘每寄信的鴛鴦簡。便是招子弟的引魂旛。

【天下樂】常教他一縷兒頑涎濕不乾。下單將科派攤。剛剛的對付難上難。脖子項上搭上套頭。皮面上帶上揜眼。怎發付這一千斤鐵磨桿。

【樂探做到科】【報科】稟老爺叫將秦弱蘭來了。【韓熙載云】着他過來。【正旦見科】【韓熙載云】秦弱蘭教你來伏事陶學士。你可乖覺者。【正旦云】老爺放心。此事容易。【韓熙載云】你且躲在一壁。我教你來便來。【正旦云】理會的。【韓熙載云】左右的把果桌安排停當。我請陶學士去來。【下】【正末扮陶穀引驛吏上】【詩云】少年文史足三冬。下筆成章氣似虹。時人不識君王寵。禪草何因出袖中。小官姓陶名穀。字秀實。襄陽人也。乃晉處士陶潛之後。以進士及第。於周太祖時。曾事錢王俶。頗蒙信任。後因遣入大宋。以觀動靜。又作宋臣。官授翰林學士。已經三載。不得與俶相會。如今太祖早朝議下江南之策。小官言曰。雖堯舜禹湯興兵。未免有所損益。莫若小臣掉三寸之舌。說李主歸降。豈不易哉。太祖依臣所奏。先將文書行至昇州。隨令小官直至南唐。索取圖籍文書爲由。若見李主。必中說詞。自七月初至此。今八月將盡。李主抱疾不朝。無由可見。惟宋齊丘丞相常來驛亭討論文字。此外昇州太守韓熙載專管供給。甚是盡禮。但我羈留在此。漸入秋深。風光月色。翠韻砧聲。不覺

感懷。且向亭中閒步一迴。【做看科云】這一片素光粉壁。未嘗繪畫。驛吏取筆硯來。我待學春秋隱語。因而感懷成十二字。書於此處。料無有解者。【做寫科】【念云】川中狗百姓眼。虎撲兒。公廚飯。【韓熙載上云】左右報復去。說韓太守在此。【陶穀云】道有請。【見科】【陶穀云】太守爲何至此。【韓熙載云】小官領宋丞相鈞旨。聊具蔬酌奉獻。左右擡過果桌來。【做設席科】【韓熙載云】將酒來。學士滿飲此杯。【陶穀飲科云】太守飲一杯。【韓熙載云】小官更衣咱。【出科云】張千喚秦弱蘭來。【張千喚科】【正旦上云】妾身來了。【韓熙載云】弱蘭。今日就筵宴之中。要你加精神者。陶學士生性威嚴。人莫敢犯。你小心過去。【正旦云】老爺放心者。【唱】

【後庭花】那學士若見了南唐秦弱蘭。更不說西京白牡丹。則消得我席上歌金縷。管取他尊前倒玉山。【韓熙載云】勸的他盡醉。要他十分歡喜。【正旦唱】要歡喜不爲難。則着這星眸略瞬盼。教他和骨頭都軟癱。

【韓熙載云】學士筵前無樂不成歡樂。張千叫個歌者來唱一曲伏侍學士。【正旦同衆妓上叩見科】【陶穀云】大丈夫飲酒焉用婦人爲。吾不與婦人同食。教他靠後休要惱怒小官。【韓熙載云】秦弱蘭與學士把一杯。【正旦云】這學士好冷臉子也。【韓熙載云】着動樂者。【陶穀云】住了樂聲。小官一生不喜音樂。但聽音樂頭暈腦悶。【正旦唱】

【金盞兒】我這裏覷容顏待追攀。晦暢好是冷丁丁。沉默無情漢。則見那冬凌霜雪都堆在兩眉間。恰便似額顙上挂着紫塞。鼻凹裏倚着藍關。可知道秀才雙臉冷。宰相五更寒。

【韓熙載云】這婦人彈的好。吹的好。教他吹彈歌舞。奉學士酒者。【陶穀云】老子云。五音令人耳聾。五色令人目盲。聽了他呵。正勾當都做不了。【韓熙載云】弱蘭唱者。【正旦唱科】

【陶穀喝云】我一生不聽音樂。但聽了音樂昏睡三日。靠後。【正旦唱】

【醉中天】他教莫把瑤箏按。只許鳳簫閒。他道是何用霓裳翠袖彎。更休

撒紅牙板不教放筵前過盞幾時得酒闌人散直恁般見不得歌舞吹彈

【韓熙載云】俗語云座上若有一點紅斗筲之器盛千鍾座上若無油木梳烹龍炮鳳總成

虛弱蘭與學士遞一杯【正旦把盞科】陶穀怒云潑賤人靠後小官一生不吃婦人手內

飲食【韓熙載云】學士飲一杯怕做甚麼豈不聞將酒勸人終無惡意何怒之有學士也與

他接談略撩眼看他一看波直恁般的弱蘭遞酒【正旦遞酒科】陶穀云靠後小官乃孔

門弟子放鄭聲遠佞人鄭聲淫佞人殆小官平生目不視邪色耳不聽淫聲太守何故三回

五次侮弄下官是何道理【正旦唱】

【金盞兒】他不把話頭攀說的我毛骨寒戰兢兢把不住壺和盞我這裏承歡奉喜兩三番太守見我退後來早台意怒學士見我向前去早惡心煩好教我左右沒是處來往做人難

【韓熙載云】此女子不肯用心伏侍學士【正旦云】教妾身怎生是好天使只願你寬恕咱

【陶穀云】此婦人無知。後【正旦唱】

【後庭花】學士你隻身在旅邸間。着個甚羅幃錦帳單。學士你德行如顏子。也索要風流做謝安。我勸你且開顏。須不比常風範。你敢越聰明越掛眼。

【陶穀云】兀那婦人靠後。我頭頂儒冠。身穿儒服。乃正人君子。不得無禮。【正旦退科】【韓熙載云】歌者可再勸酒。【陶穀云】太守小官酒醉失禮。李太白有詩云。我醉欲眠君且去。明朝有意抱琴來。我待睡些兒咱。【做醉睡科】【韓熙載云】學士醉了也。您歌者且回去。

【正旦云】理會的。【唱】

【賺煞】幾時捱得酒筵闌。官員散。恨不得目下天昏日晚。諕的那舞女歌兒。似受戰汗。難施逞樂藝熟閒。【韓熙載云】弱蘭則要你小心在意者。【正旦唱】這其間春意相關。放着滿眼芳菲。縱心兒揀。爭奈這尋芳人意懶。嬉游的心。

慢。哎。不是個惜花人。休想肯凭欄。〔衆隨下。〕

〔韓熙載云。〕學士睡了也。驛吏看着醒來時。伏侍的臥房中去。〔做看壁上字科。問驛吏云。〕這一堵素光白壁。誰寫字在上頭。〔驛吏云。〕是陶學士寫下的。〔韓熙載云。〕既是陶學士寫的。將紙筆來。我抄了去。〔抄科云。〕將馬來我回丞相話去也。〔下。〕〔陶醒科云。〕太守去了。〔驛吏云。〕去了。〔陶歎云。〕既然太守去了。收拾鋪蓋。我回後堂中歇息去。〔同下。〕

第二折

〔宋齊丘引張千上云。〕事不關心。關心者亂。今日着韓太守驛亭中管待陶學士去。如何不見來回話。〔韓熙載上云。〕小官韓熙載。奉宋丞相鈞旨。着我管待陶學士。看他動靜。不想他寫下十二個字在牆壁上。被我抄將來。學士怎生瞞的過我。此乃獨眠孤館四字。此人客況動矣。陶穀也。你也說不的李主。我直教你還不得家鄉。我將此十二字見丞相去。左右報復。

去道。韓熙載來見。【報科】。【宋齊丘云】着他過來。【見科】。【宋齊丘云】昨日席間動靜如何。【韓熙載云】昨日陶學士座中古徽將秦弱蘭正眼不看。被此女子將學士灌醉了。學士睡了。小官出門見壁上十二字。乃是他寫下的。小官抄將來與丞相看。【宋齊丘云】熙載。你比外郡太守不同。況且斯文。此非公衙私宅之內。將座兒來。太守請坐。【韓熙載云】小官不敢。【宋齊丘云】何妨。【韓坐。宋看字科云】太守。你解此意麼。乃春秋戰國之時。多有作者。號曰隱語。說他正大。則看這十二個字上。便見他平日所守。川中狗者。蜀犬也。蜀字着個犬字。是個獨字。百姓眼者。民目也。民字着個目字。是個眠字。虎撲兒者。爪子也。爪字着個子字。是個孤字。公廚飯者。官食也。官字着個食字。是個館字。團句道獨眠孤館。此人客況動矣。陶穀。你如何瞞的過我。你來要說李主下江南。我直教他還不得鄉土。太守你近前來。【做耳語科云】待十數日後依吾計行。此人必中吾計矣。陶學士。陶學士。【詩云】由你千般計較。枉自惹人談笑。休誇伶俐精詳。必定中吾圈套。【同下】。【正旦改扮素衣。引梅香上云】妾身秦

弱蘭爲陶學士古徽太守着我今夜狐媚了他呵。便得賞賜。狐不媚的呵。便加罪責。今日天
晚。則除是這般梅香。那香桌完備了麼。【梅香云】若論姐姐這等乖覺。料他到的那裏。【正
旦唱】

【南呂一枝花】我也曾將宣使迎。不似這天臣強。果然道。易求無價寶。難
得有情郎。他多管是鐵石心腸。直恁的難親傍。一鼻凹。衡是雪霜。無情的
付粉何郎。冷臉的畫眉張敞。

【梁州第七】他則是慣受用玉堂金馬。不思量月戶雲窗。則他那古徽心。
甚的喚做鳴珂巷。空那般衣冠濟濟狀。貌堂堂。却爲甚偏嫌俺。妓女怕見
婆娘。莫不他淨了身。不辨陰陽人道。這秀才每都不荒唐。偏怎那洞庭湖
柳毅傳書。謝家莊崔護覓漿。賈充宅韓壽偷香。想我那往常伎倆。播弄的
子弟如翻掌。這個鐵臥單。我怎窩藏。我自尋思出這個風流俏智量。須要

今夜成雙

【云】梅香將香桌來我燒夜香。【梅掇桌科】陶穀便衣上云。小官自從到此兩月有餘。不得見唐主。淹留驛亭之中。今夜風清月朗。閒庭寂靜。客況蕭然。蛩聲聒耳。桂子飄香。推開這角門。去這花園內。乘月色觀桂花。釋悶咱。【正旦望見陶科云】梅香兀那月下閒行的。正是那傑。【梅香云】姐姐可知是哩。【正旦唱】

【賀新郎】他去那無人處獨步也。氣昂昂。這公則會闊論高談。那裏知淺斟低唱。我這裏潛身軀迸。定臉凝睛望。端的是風清月朗。可甚麼軟玉溫香。【陶穀望北斗頂禮。做笑科云】月色團圓也。【正旦唱】他這般更深離館。舍夜靜步回廊。【陶穀吟詩云】月中桂子宜攀折。苑內凡花不耐看。【正旦唱】我猜他莫不勞魂役。夢胡思想。【陶穀云】魏武帝有詩曰。月明星稀。烏鵲南飛。繞樹三匝。無枝可依。看來正是小官。【正旦唱】原來他望天瞻北斗。却不肯和月待西廂。

【云】梅香我燒罷香回去。對此月色口占一詩。【念科云】隔窗疎雨送秋聲。夜夜愁人睡不成。遇此良宵多感慨。清風明月又關情。【陶穀云】原來有人在柳陰深處吟詩。我過去看咱。【正旦云】梅香咱回去來。【陶穀云】小娘子勿罪。【正旦拜科】。【陶穀云】一個好女子也。小娘子高姓。誰氏之家。因甚在此官舍之中。【正旦唱】

【牧羊關】俺夫主爲驛吏身姓張。【陶穀云】元來是驛吏的妻子。你是那裏人氏。【正旦唱】生長在兩浙蘇杭。【陶穀云】如今你丈夫那裏去了。【正旦唱】怎想他半路裏情絕。他從那二年前身喪。【陶穀云】小娘子怎生在此住坐。【正旦唱】妾身見如今獨自個持着服孝。【陶穀云】你多大年紀持服來。【正旦唱】我從二十六上守孤孀。【陶穀云】敢問小娘爲何這早晚對月吟詩。【正旦云】我自釋悶而已。那裏是詩。【唱】我也則詩句內題秋景。月明中燒夜香。

【陶穀云】小官乃是大宋使臣陶學士。若小娘子不棄。願同衾枕。不知小娘子意下如何。【

正旦云。妾身守服之婦。不堪陪奉尊官。陶穀云。小娘子何發此言。若心肯時。小官有幸也。正旦唱。

【隔尾】我則道他喜居苦志顏回巷。却元來愛近多情宋玉牆。這搭兒廝絃的言詞。那停當。想昨日在坐上。那些兒勢況。苦眼鋪眉。盡都是謊。

【陶穀云】小娘子但與小官成其夫婦。終身不敢忘也。正旦云。學士不棄妾身。殘妝陋質。願奉箕箒之歡。陶穀云。小娘子可到官舍中去。做同行科。陶穀云。小娘子請坐。異日必要你爲正室夫人。正旦云。妾身有一句話。向學士道破者。唱。

【牧羊關】你見我心先順隨了你。可不氣長。有句話須索商量。你休將容易恩情等閒撇漾。陶穀云。他日你做夫人縣君哩。正旦唱。我等駟馬車爲把定物。五花誥是撞門羊。你明日北去人千里。早變做南柯夢一場。

【陶穀云】小娘子。趁此夜闌人靜。成其夫婦。多少是好。正旦云。則怕你日後不取我呵。被

人笑恥有何表記的物件。與我可爲憑信。【陶穀云】小娘子將何以爲信。【做相戲科】【正旦唱】

【紅芍藥】他早把繡幃兒簌簌的塞了紗窗。款款的背轉銀缸。早把我腰款抱搵殘妝。羞答答懶弄羅裳。袖稍兒遮了面上。可曾經這般情況。懷兒中把學士再端詳。全無那古慙心腸。

【菩薩梁州】一剗地疎狂。千般的波浪。諸餘的事行難。道是不理會惜玉憐香。一團兒軟款。那安詳。半星兒不顯威儀相。引逗的人春心蕩。昨日在尊席上。那模樣。便這般和氣春風滿畫堂。全不見臉似冰霜。

【出汗巾科云】學士告乞珠玉。【陶穀云】有有。【做寫科云】寫就了也。【旦接念云】好姻緣。惡姻緣。奈何天。只得郵亭一夜眠。別神仙。琵琶撥盡相思調。知音少。待得鸞膠續斷絃。是何年。右調風光好。是好高才也。請學士落款。【陶穀寫科云】翰林陶學士作。【正旦云】謝了學

士者【唱】

【三煞】我看了高才詞翰華賤上。却爲甚不肯爛醉佳人錦瑟傍。可知我把小末的郎君放。他兀的錦繡文章。更做着皇家卿相。被我着個小局段兒。早打入天羅網。看這公古傲性。從來無些雅況。我試與滿捧瑤觴。

【云】學士你飲一杯酒者。【陶穀云】我吃。我吃。【正旦唱】

【二煞】你這般當歌對酒銷金帳。煞強如掃雪烹茶破草堂。你許下我的休教無承望。此別後水遠山長。把美繡縈。則怕貴人多忘。則要你經板兒印在心上。當日也是我在尊前。不容近傍。假粧好人家。便引動情腸。

【煞尾】我想這歌臺舞袖風流相。怎如大院深宅窈窕娘。也得今朝這一場。想官司也不枉。共學士有情況。再開筵。敢說強風光。好是招狀。我明日太守行決將咱廝覷。當我把那段正綾羅。不希望我本不樂作娼。則向那

烟花薄上勾抹了我的名兒勝如賞【下】

【陶穀云】小官同京決取此女爲妻。方是我平生願足。【詩云】客中最怕是秋天。蟲聲砧韻總淒然。今宵幸遇良人婦。美滿恩情結好緣【下】

第二折

【宋齊丘引張千上云】小官宋齊丘。與韓熙載定計。處置那陶穀學士。如何不見回話。這早晚敢待來也。【韓熙載上】【詩云】安排打鳳牢籠計。引起鴛鴦殞雨心。小官韓熙載。不想陶學士被某識破。十二字隱語。用些機關。果中其計。我今來回丞相的話。左右報復去。道韓熙載來見。【報科】【宋齊丘云】有請。【見科】【宋齊丘云】幹事如何。【韓熙載云】此人果中其計。秦弱蘭賺了他一篇樂章。親筆落款。他自將着今日來回丞相話哩。【宋齊丘云】我料他怎出的略二人之手。則今日便臥翻羊。擺下果桌。小官就對他說。我唐主病可。今日着俺將着茶飯來與學士釋悶。明日早朝相見。他聽的必然歡喜。飲酒之間。喚秦弱蘭來歌此樂章。

看他怎生說話。太守一壁廂執料茶飯。小官回了主人的話。便到館驛中來也。【韓熙載云】謹領鈞旨。【同下。】【陶穀上云】小官陶學士。昨夜晚間。不意驛吏之妻與我苟合。我看此女有沉魚落鴈之容。閉月羞花之貌。我許他娶爲正室。今日等韓太守來時。我勸他放此婦人回去。等我日後好來取他。【韓熙載上云】來到這驛亭中。學士恭喜。【陶穀云】敢問何喜。【韓熙載云】學士歸有日矣。我主病體頗安。明日早朝。便請相見。【陶穀云】這也則完的一場使事。何足爲喜。【宋齊丘引張千上云】來到這館驛門首。左右報復去。道某家來了也。【報見科。】【宋齊丘云】學士歸有日矣。玉體頗安。請學士明日相見。【韓見宋科。】【宋齊丘云】學士。韓太守是當今文學之士。見任太守。卽古之京兆尹。陪坐何如。【陶穀云】這也不妨。【宋齊丘云】將酒來。我奉學士一杯。太守一面準備歌兒舞女。教他侑酒。與學士作歡如何。【韓熙載云】丞相說的是。早已備下了。卽當喚來供奉學士。【陶穀云】丞相差矣。我輩孔門高弟。何用此輩侑酒。休喚來。【宋齊丘云】學士寬洪大度。何所不容。便喚幾個來唱。

與俺聽學士休聽便了。【正旦上云】今日筵間。那學士還做古做麼。【唱】

【正宮端正好】總然你富才華高名分。誰不愛翠袖紅裙。你看這般東風桃李香成陣。猶兀自難遣東君恨。

【滾繡毬】人都道秀才每村不會將女色親。他每則是識廉恥。正心不肯。但出語也做的個郎君。假若是誇談俺好婦人。則着些俗言語便不真。他每用文章也道的來淹潤。則着兩句詩說盡精神。裙拖六幅湘江水。髻挽巫山一段雲。休道不消魂。

【做見科】【正旦云】你看他比前日又冷臉也。【唱】

【倘秀才】昨夜個橫着片風月。膽房中那親。今日個墜着柄冰霜臉。人前又狠空。這般苦眼鋪眉立那教門。我須索心恭謹。意殷勤。侑尊。

【張千云】上廳行首秦弱蘭謹參。【旦拜科】【宋齊丘云】學士此乃金陵數一數二的歌者。

與學士遞一杯【陶穀云】丞相小官此一來非爲歌妓酒食而來奉命索取圖書李主託疾不見不以我爲朝使相待棄禮多矣我非比其他學士奉命南來使事未完故令歌者狐媚小官是何體也【宋齊丘云】學士息怒酒乃天之美祿學士不飲小官吃幾杯【韓熙載云】弱蘭你與學士把盞者【正旦云】理會的【唱】

【滾繡毬】這酒則是斟八分學士索是飲一巡則不要滴留噴嚏【陶穀云】靠後些【正旦唱】學士這玳筵間息怒停噀你則待點上燈關上門那時節舉杯丰韻【陶穀云】小官不吃酒但吃一口昏睡三日將過去【正旦唱】這裏酒盞兒不肯沾唇却不道相逢不飲空歸去則這明月清風也笑人常索教酒滿金樽

【陶穀接杯科】【韓熙載云】弱蘭你歌一曲侑觴咱【正旦唱詞科云】好姻緣惡姻緣奈何天只得郵亭一夜眠別神仙琵琶撥盡相思調知音少待得鸞膠續斷絃是何年【陶穀云】

這婦人在我眼前唱這等淫詞艷曲。好生不敬。【宋齊丘云】這也則是風月之詞。非爲不敬。
學士休罪。【韓熙載云】誰着你唱這等詞。教學士怪我。酒散之後。我不道的饒了你哩。【正旦唱】

【叨叨令】學士寫時節有些腔兒韻。妾身謳時節有些詞兒順。【陶穀云】不知是何等無知之人。做下此等語句。【正旦唱】做時節難訴千般恨。寫時節則是三更盡。【旦拜陶科唱】學士。你記得也麼哥。你記得也麼哥。【出詞科唱】兀的是親筆寫下半收頓。

【陶穀怒云】這個潑烟花賊。誣人。我那裏與你會面來。【正旦云】妾身不敢。昨夜蒙大人錯愛。【唱】

【滾繡毬】那素衣服是妾身詐做驛吏妻。把香火焚。我誦情詩暗傳芳信。向明月中獨立。黃昏見學士下砌跟。瞻北辰。轉身軀。猛然驚問。便和咱燕。

爾新婚。恰正是武陵溪畔曾相識。今日佯推不認人。道的他滿面似燒雲。

【陶穀云】這婦人好無禮也。你故寫淫詞。展污小官清名。【宋齊丘云】學士。你的筆跡。自家認得。【正旦云】學士。你要推託。聽妾身說昨夜之事。【唱】

【倘秀才】妾身本不肯舒心就親。學士便做不的先姦後婚。【陶穀云】小官昨夜門也不曾出。那裏會你來。【正旦唱】學士早回過燈光掩上門。【陶穀云】小官並無此事。你賊誣我哩。【正旦唱】妾身謀成不謀敗。學士宜假不宜真。不信不自隱。

【陶穀怒云】這婦人虛詐情由。我若是與你相會呵。我便認了有何妨。難道小官直如此忘魂。【正旦悲科云】學士。你好無仁義也。【唱】

【滾繡球】好也囉。學士你營勾了人。却更粧忘魂。知他是甚娘情分。你則是憎嫌俺烟月風塵。昨夜個我雖改換的衣袂新。須是模樣真。咱只得眼

前虧趁實不不與你情親。你把萬般做作千般怒兀的甚。一夜夫妻百夜恩。則是眼裏無珍。

【宋齊丘云】學士這小的最老實。不會說謊。【韓熙載云】老丞相主婚。小官爲媒。招學士爲金陵秦弱蘭女婿。【陶穀云】小娘子是誰教你這等短道兒來。【正旦云】都是太守相公教妾身這般見識來。【韓熙載云】學士便娶了秦弱蘭何妨。論此女聰明。不玷辱了你。【正旦云】若得與學士成其夫婦。妾之願也。多謝二位老爺。【做叩謝科】【宋齊丘云】你與學士把一杯酒者。【正旦遞酒科】【唱】

【三煞】賤妾煞是展污了個經天緯地真英俊。爲國於民大宰臣。【陶穀云】酒後疎狂。惹此一場是非。【正旦唱】賤妾煞不識高低。不知遠近。不辨賢愚。不別清渾。這的是天注定的是非。天指引的前程。天匹配的婚姻。嚼兀的教太守主婚。【陶穀云】可着誰做媒人。【正旦唱】則這風光好是媒人。

【陶穀做伏案盹睡科】【宋齊丘云】太守陶學士見啗識破他就裏羞見咱推醉睡了秦弱
蘭俺上馬去也。你等他醒了看他說甚麼便來回俺的話。【韓同下】【陶醒科問正旦云】
他每都去了。【正旦云】都去了。【陶穀云】則着你害了我。【正旦云】怎生我害了你。【陶
穀云】我本意來說他反被他算了我。我如今也回不的大宋去也。見不的唐主。我且至杭
州尋個前程。却便來取你。古人云十年不識君王面。始信嬋娟解誤人。信斯言也。【正旦唱】
【二煞】此別後我專想着你玉堂金馬懷離恨。誰再與野草閒花作近隣。
【陶穀云】我今別處尋個前程便來取你。【正旦唱】我等你那取我的軒車。贈咱的
官品。我也待顯耀鄉閭。改換我這家門。學士怎肯似那等窮酸餓醋。得一
個及第成名。却又早負德辜恩。則要你言而有信。休擔閣了少年人。

【陶穀云】姐姐你既與我成其夫婦。焉肯負你。久以後夫人縣君必然你做也。【正旦唱】

【黃鍾煞】你可休一春魚鴈無音信。却教我千里關山勞夢魂。我和你兩

情調兩意背。這諸合有氣分。我覷了暗地哂。全不見沒事狠。綢繆處直恁親臨相別也懷恨。若還家獨自身。被兒底少溫存。怕不想舊日人。要圓成。要尋問。則這續斷繡膠語句兒。真便是我錦片前程。敢可也盼的准。〔下〕

【陶穀云】誰想彼宋齊丘韓熙載反算了我。小官羞歸大宋。恥向汴梁。我有故人錢俶。在杭州爲天下兵馬大元帥。鎮守吳越兩浙之地。便宜行事。自放兩浙官選。我則索那處尋個前程。再做道理。【詩云】當年玉殿逞高強。爲愛嬌容悔這場。自料不能還故國。須當帶月走南唐。〔下〕

第四折

【外扮錢王引近侍卒子上】某姓錢。名俶。字德厚。自先祖錢鏐。世居杭州。唐昭宗時改杭州爲鎮海軍。封我祖爲鎮海軍節度使。號杭州爲衣錦城。梁太祖賜玉帶一條。打獵馬十疋。唐莊宗賜玉冊金印。先祖下世。我父元璫嗣爵。父沒之後。某嗣守錢唐。會汴京太祖卽位。我故

人陶穀勸我歸宋。同至汴京。衆臣條上疏五十三道。皆諫太祖留我。太祖不從。我帶去的大小將官。陞賞各有等差。後賜一包袱。封裏御押。囑言曰。待爾歸後。然後發此觀之。我回國開視。乃衆臣留我之疏。我見之大驚。向北再拜曰。臣已心伏陛下。誓守臣節。遂留陶穀於宋。爲翰林學士。後來差他去說南唐李主。被宋齊丘所算。不敢回去。復來投我。我問其詳。他以實告。曾爲十二字隱語。被宋齊丘看破。遂泄其機。使秦弱蘭爲謀以中之。那秦弱蘭是江南名妓。近日宋主遣曹彬下江南。收了李唐。有一歌者來至我境。把隘軍人擒來見我。乃秦弱蘭也。我與他房屋居住。又與他錢物用度。看本處樂探領去。陶穀尙不知道。我今日推往郊外打圍。就湖山堂上排宴。着人請陶學士去了。怎生這早晚還不見來。【陶穀上云】小官陶穀。自從中了宋齊丘之計。我想那一個聰明女子。臨別時相期。我若得志。必然娶你爲妻。李自有言。美女能療饑。我看着他呵。不吃飯也罷了。我今來兩浙投錢元帥。一見如故。他如今正授天下兵馬大元帥。自選兩浙官吏。我今在此尋個前程。只不能勾再見那秦弱蘭。今日

元帥在湖山堂較獵相招。我索去走一遭。左右報復去。道小官來了也。【報見科】。【錢王云】。學士。某在此湖山堂上。聊備蔬酌。與你等盡歡而散。【陶穀云】。多謝。多謝。小官偶作一詞。望大人斤削。【錢接念科云】。詞寄青玉案。冰漸乍泮春來早。一夜野梅開了。簾幙風閒人靜悄。曉窗夢斷。篆烟輕裊。庭院苔痕繞。歸期暗卜天涯渺。魚水雲鴻信杳。鏡裏朱顏驚漸老。不求名利。不思宜召。惟恨知音少。好高才也。常言道。筵前無樂不成歡笑。左右的。叫一個歌者來奉酒。【卒子云】。理會的。【正旦上云】。妾身秦弱蘭。今大宋遣曹彬下江南收伏了李主。妾身避難來到杭州。多虧錢元帥收留。與我房屋錢物。在此居住。不知俺那陶學士在那裏也呵。【唱】。

【中呂粉蝶兒】一自當時向烟花簿。豁除了名氏。打疊起狂蕩心兒。專等那七香車。五花誥。絕無人至。一路上尋思。莫不他翻悔了這門親事。【醉春風】我則想學士。寄音書却早是錢王傳令旨。他全然不知俺至誠。

心消不得半張兒紙紙到今日如今見時相見是誰不是

【樂探報云】稟大王喚將歌者來了【錢王云】學士這歌者原是學士所會的金陵秦弱蘭避難來此學士且躲在人叢裏看他認得不認得【陶閃避科】【錢王云】叫那歌者過來

【正旦唱】

【迎仙客】我心恐恐入內門戰兢兢步堦址這裏錯行了眼前輕是死如今我也上丹墀朝帝子我暗暗地冷笑孜孜兀良抵多少長亭畔迎宣使

【做見科云】大王叩頭【錢王云】你是秦弱蘭當初怎生認的陶學士來【正旦云】大王聽妾身慢慢說一遍【唱】

【石榴花】他從去年宣命下京師韓太守接着時他則是冷丁丁清耿耿並無私軒昂氣志撚斷吟髭妾身向筵前過盞無遷次他面皮上刮下冰澌那妖嬈樂妓勤伏侍他一件件盡推辭

【錢王云】他這等古傲，你如何承應？【正旦唱】

【鬪鶻鶻】他見不的妙舞宮腰，聽不的俺清歌皓齒。【錢王云】他席間怎生發怒來？【正旦唱】他袖拂了金杯，手推開玉卮。【錢王云】後來又怎生看上你來？【正旦唱】妾向館驛裏，別粧個美貌姿，俺兩個相見時，則他那舊性全無，共妾身新婚燕爾。

【錢王云】他既愛上你，曾說甚麼話來？【正旦唱】

【上小樓】他許我夫人位次，妾除了烟花名字，再不會披着，帶着官員祇候，褶子冠兒。【錢王云】你自離了陶學士，再曾迎新送舊麼？【正旦唱】我這些時，甚的是茶坊酒肆，每日價冷清清，爲他守志。

【錢王呼一淨官上，指云】秦弱蘭，這個是陶學士麼？【淨官悲云】小娘子，兀的不想殺我也。

【正旦云】這不是陶學士？【唱】

【幺篇】他生的端嚴相貌。尊崇舉止。幾曾見這般眼暗頭昏。地慘天愁。抹
泪揉眵。覷絕時。這君子其實不是。却怎生沒半星兒相似。

【錢王云】這個既不是。你在這衆官中試看咱。【正旦唱】

【快活三】我向這金堦下領台旨。教我向百官內暗窺伺。他每都靜巉巉
齊臻臻顯容姿。【行至陶前科】【唱】我猛可裏擡頭視。

【鮑老兒】則見他人叢裏疊撲着個鬢臉兒。問別來安樂否。陶學士。【做扯
住科】【陶穀云】你是何人。扯住我的衣服。【正旦唱】從頭兒覷這百司。那裏有這等
冷鼻凹的文章士。我爲你離鄉背井。拋家失業。來覓男兒。倒把我不瞅不
睬。不知不識。相問相思。

【陶穀云】這女子你敢錯認了也。我非是下等之人。休得無禮。【錢王云】弱蘭。你要認的是
着。【正旦唱】

【哨徧】對着這千乘當今帝子。待教我一星星數說你喬行止。我爲你截日離了官司。再不當火院家私。便弄針黹。每日價胭憔粉悴。玉減香消。專等你那音書至。今日全無一字。都泪淹破腮頰。病瘦損腰肢。則這腕兒上慢鬆了的金釧。是相知。身兒上寬綽了羅衣。是正明師。你這般背約違期。負德辜恩。怎生意思。

【陶穀云】我那裏見你來。休得胡纏。【正旦唱】

【耍孩兒】枉了我一年獨守冰霜志。指望你封妻廕子。我並不想東風賣笑倚門時。畢罷了綵筆題詩。再不向泥金扇底歌新曲。白玉堂前舞柘枝。我自離了鶯花市。無半星兒點污。一抹兒瑕疵。

【三煞】你那些假古儼。原來是粧謊子。你無誠無信無終始。我則道你是鋪眉苫眼眞君子。你最是昧己瞞心潑小兒。許下俺調琴瑟。今日似難鳴。

孤掌不線的單絲。

【錢王云】秦弱蘭你既認的是真。你與他自說緣故。【正旦唱】

【二煞】我正是忒坎坷自怨咨。九重天忽有君恩至。正是一灣死水全無浪。也有春風擺動時。不甫能尋着爾。【出風光好詞科云】大王這是他親筆寫下的。

【唱】這是他誑君的招狀。親筆的情詞。

【煞尾】公堂上坐着相公。堦直下列着武士。我這裏盡場分說心間事。拚兩個雙棒兒堦前覓一個死。

【做撞堦科】【錢王云】住。住。住。秦弱蘭留性命。逗你要哩。【陶穀云】姐姐。問別無恙。則被你
想殺我也。【錢王云】秦弱蘭。陶學士爲你回不的汴京。你兩口兒且在我杭州居住。等我朝
京見了大宋主人。奏過還着陶學士復舊職。那其間駟馬軒車。五花官誥。都是你的。【正旦
拜科云】多謝了大王。【錢王云】古人有言。樂莫樂兮新相知。悲莫悲兮生別離。今日你兩

個夫妻會合。便當殺羊宰馬。做個慶喜筵席。【詞云】當日個有意江南。降李主。故書隱語。顯文章。豈謂彼中有識者。獨眠孤館。早參詳。故教此女來狐媚。惱亂春風學士腸。驛亭巧把。姻緣結。新詞留下好風光。此心媿報難回汴。只得潛身且寄杭。專待君恩重。召取。那其間同。駕香車入畫堂。半世孤高。占仕路。一天風月動詞場。若道鍾情非我輩。因何千載說高唐。

題目 宋齊丘明識新詞藻

韓熙載暗遣閒花草

正名 秦弱蘭羞寄斷腸詩

陶學士醉寫風光好

陶學士醉寫風光好雜劇終

[illegible]

跋

戴善夫，真定人，江浙行省務官。太和正音譜評其曲如荷花映水。所作五種，雁風光好存。見臧晉叔元曲選丁集上。陶學士錄鬼簿作陶秀實云。冀記。

戴善夫雜劇

跋

二

戴善夫雜劇存目

伯俞泣杖

諸宮調風月紫雲亭

關大王三捉紅衣怪

柳耆卿詩酒翫江樓

戲善夫雜劇存目

元劇拾遺十一

金陵盧 前校輯

戴善甫雜劇殘本一種

柳耆卿詩酒翫江樓

【商調集賢賓】家住在碧澄澄綠楊灣官渡口張網索駕漁舟。恰離了黃蘆岸白蘋洲。早來到綠楊堤紅蓼灘頭。爲活計簑笠綸竿。做知交野鷺沙鷗。却纔釣活魚換來新糯酒。越風波到大來攸攸。船灣在鸚鵡洲。夢不到鳳凰樓。

【逍遙樂】得了些安家情受。教我夜去明來。載花渡柳。近風流學得也風流。聽了些宜時的曲調歌謳。看了些窄窄弓鞋蹙鳳頭。翠紅香每日追遊。我也曾經扶翠袖。款拂紅裙。重携素手。

【金菊香】親蒙官長把咱勾。常言道一醉能消萬種愁。氣昂昂走將來高叫吼。我和你有些冤讐。不明白恰便似打春牛。

【梧葉兒】住山野爲活計。趁風波得自由。我幾經官府惹閑愁。也不知冬和夏。也不識春共秋。你着我念勾頭。我是個不識字的烟波釣叟。

【醋葫蘆】小人破房兒一兩間。破家私三四口。止不過朝耕暮種靠些田疇。喝公人忙將我兩鬢揪。越分說越難答救。恰便似焰騰騰火上去澆油。【么】每一日錢四百米二斗。止不過朝迎暮送走的滑熟。黃員外怕人相趁逐。去時節鍾（鐘）鳴時候。來時節曉星殘月五更頭。

【么】我本是撐篙（篙）舉棹人。又不是拈花摘葉手。則我這打魚缸上怎與他效綢繆。黃員外若知難索休。我怎敢把恩人營構。一重愁翻做兩重愁。【么】那小姐容顏似雨後花。腰肢似風外柳。那小姐更知音。更標致。更風

流。你看這打魚缸上。怎諧鶯燕友。請你箇官人窮究。怎下的將牡丹芽剪
碎了喂村牛。

【么】那小姐香甜俊美嬌。俺小人村呆憨強醜。醜和嬌兩意怎相投。你教
我月明中緊將他懷內摟。覷着我村皮粗肉。恰便似雪團兒緊靠定黑石
頭。

【后庭花】準備鋸並頭蓮花下藕。再不想釣斜陽江上秋。不是我性狠心
毒害姐姐呵。也是官差不自由。你早上扁舟。缸撐在當溜。若依隨索罷休。
不依隨百事有。脚趾着缸罄口。晃一晃一命休。

【雙燕兒】看着那一江春水向東流。到官司怎索休。只說道浪急風狂。怎
生答救。好姻緣一筆勾。這夫妻兩罷手。

【浪裏來煞】這的是雙解元使的計策。小蘇卿中了機彀。我去那打魚缸。

上准備了釣熬鉤。他是箇惺惺人。算來出不得漁父手。相公呵。免勞台候。
我將那點鋼鍬掘倒了這翫江樓。(雍熙樂府卷十四。詞林摘艷併收之。)